



# Khuhu na Dongololo

Winy Asara  
Tshivenda





Khuhu na dongolo zwo vha zwi dzikhonani. Fhedzi zwo vha tshi dzula zwi tshi tatisana. Linwe duvha zwa humbula u tamba bola u vhona uri ndi nnyi ano kona u fhira munwe.

Zwo ya luvhandeni lwa u tamba bola zwa thoma mutambo wazwo. Khuhu yo vha itshi khou tavhanya fhedzi dongololo lo vha li tshi khou tavhanyedzesa . Khuhu yo rahela phanda fhedzi dongololo la rahela phandesa . Khuhu ya thoma u vhilaela i tshi gungula.





Zwa humbula utatisana nga u kora bola ya khathulo. Lwa u thoma dongololo lo vha li wa u thivhela bola. Khuhu ya kora luthihi. Ha kona u vha tshikhathi tsha khuhu tsha u thivhela bola.




Dongololo la raha bola la kora.  
Dongololo la dirivhula bola la kora.  
Dongololo la l diya nga thoho la  
kora.  
Dongololo la kora lutanu.

Khuhu yo pfa vhavhesa nga u kundelwa hayo.

Dongololo la thoma u sea ngauri khonani yo vha yo kwata.





Khuhu yo vha yo kwatesa lwe ya vula phapha zwi hulwanesa ya mila dongololo.



Hezwi khuhu I tshi khou ya hayani ya tangana na mme a dongololo. Mme a dongololo vha vhudzisa vha ri, "No vhuya na vhona nwananga?" Khuhu a yongo fhindula tshithu. Mme a dongololo vha thoma u vhilaela.







Zwenezwo mme a dongololo vha pfa kuipfi kutuku."Kha vha nthuse mmaw!e" ha lila liipfi.Mme a dongololo la sedza thungo dzothe la thetshesela zwavhudi. Liipfi li khou bva nga ngomu ha khuhu.



Mme a dongololo vha  
vhidzelela,"Shumisa maanda a u o  
khetheaho nwananga!"Dongololo la  
ita munukho muvhi na u thetshelela  
huvhi.  
Khuhu ya thoma u lwala.

Khuhu ya boda.Nga murahu ya mila  
ya pfa.Ya dovha ya etsemula ya  
hotola ya hotola.Dongololo la  
nengisea!



Khuhu ya hotola u swika i tshi pfa  
dongololo le lavha li thumbuni  
yayo.Mme a dongololo na nwana  
walo zwa kuunguluwa zwa namela  
ntha ha muri zwa dzumbama.



U bva zwenezwo khuhu na  
dongololo zwi a vhengana.



# Khuhu na Dongololo

Writer: Winny Asara

Translated By: Yvonne mulovhedzi

Language: Tshivenda



This story was written by a student teacher at Arua PTC in Uganda.

© African Storybook Initiative, 2014



This work is licensed under a Creative Commons Attribution  
(CC-BY) Version 3.0 Unported Licence

Disclaimer: You are free to download, copy, translate or adapt this story and use the illustrations as long as you attribute or credit the original author/s and illustrator/s.

**Saide**   
South African Institute  
for Distance Education

[www.africanstorybook.org](http://www.africanstorybook.org)  
A Saide Initiative